

Na osnovu 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04 i 37/04) i člana 6. stav 1. alineja d) Zakona o slobodi pristupa informacijama u Bosni i Hercegovini („Službeni glasnik BiH“, broj 28/00), Agencija za državnu službu, donosi

ODLUKU

o utvrđivanju izuzetka od objavljivanja podataka i određivanja tajnosti pojedinačnih ocjena koje članovi komisija daju u postupku javnog konkursa

I

Podaci o pojedinačnim ocjenama koje dodjeljuju pojedini članovi komisija za izbor, a koje se dodjeljuju u skladu sa odredbama čl. 21, 22. i 25. Odluke o načinu i programu polaganja javnog i stručnog ispita za lica koja se postavljaju za državne službenike u institucijama Bosne i Hercegovine ("Službeni glasnik BiH", broj 20/03), ovom odlukom se proglašavaju zaštićenim podacima.

Za podatke iz stava 1. ove tačke, utvrđuje se izuzetak od svake vrste objavljivanja.

II

U cilju sprovođenja ove odluke, podaci iz tačke I unosit će se u tabele rezultata bez navođenja imena člana komisije, samo sa brojnim oznakama, odnosno kao „Član 1.“, „Član 2.“, „Član 3.“, „Član 4.“ i „Član 5.“.

Tabele rezultata sa ocjenama uvedenim u skladu sa stavom 1. ove tačke objavljuju se u skladu sa propisima i uobičajenom praksom Agencije.

III

Ova odluka stupa na snagu danom donošenja.

Broj: 03-34-1063/05
31. decembra 2004. godine
Sarajevo


RUKOVODILAC AGENCIJE
Jakob Finci

